



**Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 43. Hujus Scriptoris opera.

---

[urn:nbn:de:hbz:466:1-66800](https://nbn-resolving.de/urn:nbn:de:hbz:466:1-66800)

pus, qui postmodum Toletanus Archi-  
episcopus est renuntiatus. Ceterum  
Dominicus, dum Tridento discesserat,  
dissidia inter Bartolomæum de Las-Ca-  
sam, & Sepulvedam ob Indiarum ex-  
pugnationem, & Indorum libertatem  
exorta componere a Carolo V. jussus est,  
qua lite felicitcr decisa Salmanticam  
reversus ibidem sexaginta sex annos na-  
tus extremum clausit diem, juxta Scri-  
ptorum nonnullos die decima quinta  
Novembris, quamvis alii obitus sui  
diem ad sextam Decembris Anni mil-  
lesimi quingentesimi sexagesimi rejiciant.

§. XLIII.

### *Hujus Scriptoris opera.*

Inter ingenii sui monumenta, quæ  
Soto posteris reliquit, recensetur:  
I. Tractatus de natura, & gratia in tres  
libros divisus, ac Patribus Tridenti con-  
gregatis nuncupatus, quem Anno post  
Christum natum millesimo quingentesi-  
mo quadragesimo septimo ipsus publici  
juris fecit, atque in eo circa peccatum  
Originale, liberum arbitrium, & justifi-  
cationem Concilii Tridentini doctrinam  
propugnat, ac insuper ad peccatorum  
remissionem in Sacramento poenitentiæ  
actum charitatis requirit, Catharini  
vero sententiam circa' justificationis  
certitudinem impugnat. II. Edidit tra-

Qq 4 statum

Sæcul. XVI. statum de justitia, & jure, in quo  
A.C. 1560. Episcoporum residentiam esse juris di-  
vini, ac naturalis demonstrat, atque  
impugnat doctrinam ejusdem Catha-  
rini, qui eam duntaxat ex jure Eccle-  
siastico descendere contendebat: mi-  
tiorem tamen sententiam elegisse vide-  
tur Dominicus circa beneficiorum plu-  
ralitatem, quam omnino vetitam esse  
negat, saltem si his beneficiis non sit  
annexa animarum cura. III. Præter  
hæc opera exstant adhuc ejusdem hu-  
jus Auctoris commentarii in epistolam  
D. Pauli ad Romanos, in quibus Caje-  
tani explicationes refellit. IV. Alii  
Commentarii in quartum librum Ma-  
gistri Sententiarum. V. Tractatus de  
cauffa pauperum. VI. Aliud opus de  
evitandis juramentorum abusibus. VII.  
Apologia contra Ambrosium Cathari-  
num. VIII. Commentarii in Porphy-  
rium, & Aristotelis organum. Cete-  
rum quamvis Soto in Theologicis dis-  
plinis profunda inclaresceret eruditione,  
minus tamen exactam in Patrum, ac  
Historiæ Ecclesiasticæ operibus cogni-  
tionem haufisse videtur: nihilominus  
Protestantes de eo honorificam semper  
mentionem fecerunt, Patresque Tri-  
dentini eidem permiserunt, ut illis ute-  
retur insignibus, in quibus repræsen-  
taretur fidei Symbolum, seu duæ ma-  
nus,

nus, ex quibus prodibat flamma cum Sæc. XVI  
A.C. 1560.  
hac inscriptione ex hisce D. Pauli ver-  
bis: *Fides, quæ operatur per charitatem.*

### § XLIV..

#### *Melchioris Cani extrema.*

**E**x Scriptoribus Ecclesiasticis hoc anno defunctis tertius est Melchior *Sixt. Sew.  
l.c. Nicol.  
Ant. Bibl.  
Script. Hisp.  
Dupin. p. 33.* Cano, seu Canus natione Hispanus in oppido Tarragonensi Toletanæ Dioecesis natus, itidem Ordinis S. Dominici Alumnus. Is Philosophiæ, ac Theologiæ studio addictissimus tam præclaros in utraque disciplina progressus fecerat, ut Anno reparatæ salutis millesimo quingentesimo quadragesimo sexto, absente Francisco Victoria ejus Magistro, Theologiam publicè Salmanticæ tradere juberetur, ubi laboris solum habebat Bartholomæum Caranzam, qui tamen diversas ab eo opiniones tenebat, qua propter inter illos quædam æmulacionis species, indeque veluti duplex factio in Salmanticensi Schola est exorta: quinimo autem nonnulli, quod Canus ad infastam æmuli sui sortem non nihil contulerit, quamvis hic non modo meritorum gloria, sed & rara animi moderatione, morumque comitate, quæ tamen in Cano desiderabatur, oppido clarus esset: e contrario autem Canus

Q q 5      admo-